

元

代

史

記

卷

一

上

卷

二

下

卷

三

上

卷

下

元
代
史
記
卷
一
上
卷
二
下
卷
三
上
卷
三
下

元代史書 五卷

元
代
史料
叢刊
初編

黃山書社

元史紀事本末卷之二十三

明 高安陳邦瞻原編

吳興臧懋循纂輯

太倉張 溥論正

脫脫之貶

哈麻附

順帝至元六年二月黜中書大丞相伯顏爲河南行省左丞相伯顏旣誅唐其勢獨秉國鈞遂專權自恣變亂成憲虐害天下漸有異謀帝患之伯顏欲以所養弟之子脫脫宿衛偵帝起居懼涉物議乃以知樞

脫脫欲圖伯
顏吳直方勸
決之帝遂與
定謀驅逐

密院汪家奴翰林學士承旨沙剌班同侍禁近實屬
意脫脫脫脫政令日修衛士拱聽約束伯顏自領諸
衛精兵以燕者不花爲屏蔽導從之盛填溢街衢而
帝儀衛反落落如晨星勢焰熏灼天下之人知有伯
顏而已脫脫深憂之私請於父馬札兒台曰伯父驕
縱已甚萬一天子震怒則吾族赤矣曷若於未敗圖
之其父亦以爲然脫脫復質於師吳直方直方曰大
義減親大夫但知忠於國耳餘復何顧焉一日見帝
乘間自陳忘家徇國之意帝猶未之信時帝前後左

右皆伯顏之黨，獨世傑、班阿魯爲帝腹心。乃遣二人與脫脫遊，日以忠義之言相與往復論辯，益悉其心。靡他，遂聞于帝。帝始信之無疑。及伯顏構陷，鄭王徹篤奏賜死。帝未允，輒殺之。又擅貶宣讓、威順二王。帝不勝其忿，決意逐之。一日泣語脫脫，脫脫亦泣下，歸復與直方謀。直方曰：「此大事，議論之際，左右爲誰？」曰：「阿魯及脫脫。」直方曰：「子之伯父，挾震主之威，此輩苟利富貴，其語一洩，則主危身戮矣。」脫脫乃延二人于家，置酒，張樂，晝夜不令出。遂與世傑等謀。

欲候伯顏入朝擒之。戒衛士嚴宮門出入。蟪蛄皆爲置兵。伯顏見之大驚。召脫脫責之。對曰：「天子所居防禦不得不爾。然遂疑脫脫亦增兵自衛。至是伯顏以所領衛兵請帝出田。脫脫勸帝稱疾不往。伯顏固請。乃命太子燕帖古思出次柳林。脫脫遂與阿魯等合謀。悉拘京城門鑰。命所親信列布城門下。是夜奉帝居玉德殿。召省院大臣先後入見。出五門聽命。夜二鼓遣怯薛月可察兒率三十騎抵營中。取太子入城。又召楊瑀范匯入草詔。數伯顏罪狀。出爲河南行省。

左丞相命平章事只兒瓦反賁赴柳林黎明伯顏遣
騎士至城下問故脫脫偪城上宣言有旨黜丞相一
人諸從官皆無罪可各還本衛伯顏奏乞陛辭不許
道出真定父老奉觴酒以進伯顏曰爾曾見有子殺
父事乎對曰不曾見子殺父惟聞有臣弑君伯顏俛
首有慙色以馬札兒台爲太師右丞相脫脫知樞
密院詔脫脫之外諸侯王不得懸帶弓箭及環刀
輒入內府十月馬札兒台辭右丞相仍爲太師以
脫脫爲中書右丞相脫脫旣秉政悉更伯顏所行復

脫脫悉更伯顏所行中外稱賢相

脫脫薦阿魯圖爲相

科舉取士行太廟四時祭雪剌至之寬召還宣讓威順二王禁減鹽額獨負逋開經筵中外翕然稱賢相焉

至正三年十二月以別兒怯不花爲左丞相

四年五月脫脫罷以阿魯圖爲中書右丞相脫脫固辭相位帝問誰可代者以阿魯圖對遂召用之封脫脫爲鄭王

七年六月詔免太師馬札兒台官安置于西寧時阿魯圖罷別兒怯不花爲右丞相以宿憾譖馬札兒台

馬札兒台爲
別兒怯不花
諸罷脫脫請
與俱行

脫脫復相
汝中相諸欲
害太平其母
力止之

故有是詔。脫脫力請與父俱行。時相欲傾之。因有告
變者。復移于西域撒思之地。御史大夫亦憐真班曰。
脫脫父子無大過。奈何迫之于險。遂召還甘肅馬札
兒台尋卒。

九年七月復以脫脫爲中書右丞相。初馬札兒台卒。
左丞相太平請令脫脫歸葬。左右以爲難。太平爲之
固請。脫脫得還。及拜太傅。脫脫不知太平之有德于
已也。因汝中相譏間成隙。欲中傷之。是時中書叅政
孔思立等皆一時名人。太平所拔用者。悉誣以罪黜。

去太平既罷，又誣劾之。脫脫母聞之，謂脫脫兄弟曰：「太平好人，何害於汝？而欲去之？汝兄弟若違吾言，非吾子也。」遂止。太平故吏田復勸之自殺。太平曰：「吾無罪，當聽于天。若自殺，則誠有歉矣。」遂還奉元杜門不出。

十二年八月，脫脫自請出師伐徐州賊李二，詔許之。兵部尚書密邇麻和謨等言：「大臣天子之股肱，中書庶政之根本，不可一日離。」乞畱脫脫以弼亮天工，庶內外有統治之宜，不報。遂詔脫脫以荅剌罕太傅、右

脫脫孛李二
于徐州

汝中栢等勸
脫脫殺朶兒
直班

丞相分省於外，總制諸路軍馬，凡爵賞誅殺，悉聽便。宜從事。脫脫尋破賊于徐州，卽軍中加拜太師，趣還朝。先是，脫脫弟也先帖木兒出師討劉福通，駐沙河，軍夜潰。西臺御史范文劉希偕等劾其喪師辱國。脫脫庇之，詔不問。中臺御史周伯琦阿附脫脫，劾文等越分干譽，乃左遷。西臺御史大夫朶兒直班爲湖廣平章而盡出文等，由是人不_敢言事。汝中栢等復言于脫脫曰：「不殺朶兒直班，丞相終不安。」乃命給軍餉，總兵者希指數侵辱之，不爲勤。脫脫復遣助教完

者至軍中諷使害之。完者至謂人曰：平章國家耆勲，舊德。吾苟害之人，將不食吾餘矣。朶兒直班竟卒于黃州。

十三年正月，以哈麻爲中書平章政事。先是，脫脫西行也。別兒怯不花爲相，以宿怨，每欲中傷之。賴哈麻在上前營護得免。別兒怯不花又與太平韓嘉納禿滿迭兒等十人結爲兄弟，及脫脫復相，謫太平、陝西。出別兒怯不花般陽禿滿迭兒四川右丞，誣以罪，追至途殺之。而深德哈麻復召用，至是拜平章。

脫脫薦用哈麻

汝中栢構哈
麻脫脫有隙
哈麻遂嗾袁
賽因不花等
劾制脫脫詔
泰不花即軍
中代將襲伯
達勒脫脫進

十四年九月脫脫總制諸軍出討高郵賊張士誠尋
破賊于高郵城外十二月詔削脫脫官爵安置淮
安以太不花等代總其軍初脫脫之再相信用汝中
栢由左司郎中叅議中書省平章以下見其議事莫
敢異同惟哈麻以有德于脫脫不爲之下汝中栢因
譖之脫脫改爲宣政院使哈麻深銜之至是嗾御史
袁賽因不花等劾脫脫出師三月略無寸功傾國家
之財以爲已用半朝廷之官以爲已隨其弟御史大
夫也先帖木兒庸材鄙器玷汚清臺紀綱之政不修

兵弗受詔不聽哈刺答自刎死

貪淫之心益著章三上詔以脫脫老師費財已逾三月坐視寇盜恬不爲意削去官爵淮安安置也先帖木兒安置寧夏以泰不花月濶察兒雪雪代將其兵詔至軍中龔伯遂曰將在軍君命有所不受且丞相出師時嘗受密旨一意進討可也詔書且勿開開則大事去矣脫脫曰天子詔我而不從是我與天子抗也君臣之義何在旣受詔卽出名甲名馬分賜諸將俾各率所部以聽月濶察兒等節制客省副使哈刺答曰丞相此行我輩必死他人之手今日寧死丞

竇脫脫于雲南

相前遂拔刀自刎而死。

哈麻矯詔殺脫脫

十五年三月竇脫脫于雲南初安置脫脫于淮安既又移置亦集乃路至是臺臣尤論其譴輕故再徙雲南之鎮西其弟也先帖木兒徙四川礪門長子哈刺章肅州次子三寶奴蘭州仍籍其家產十二月哈麻矯詔殺脫脫于雲南脫脫既貶雲南行次大理騰衝知府高惠欲以女事之脫脫曰吾罪人也安敢念及此異詞拒絕惠銜之至是再徙阿輕乞之地惠發軍圍之哈麻又矯詔遣使賜之帛遂卒年四十二史

太平韓嘉納
幹勒海壽以
劾哈麻被謫

臣曰脫脫事君始終不失臣節惟惑于羣小急復私
怨君子病焉。哈麻者康里人與其弟雪雪早備宿
衛帝深寵眷之而哈麻有口才尤爲帝所嬖幸累遷
官殿中侍御史帝每卽內殿與哈麻以雙陸爲戲一
日哈麻服新衣侍側帝方啜茶卽嘆茶於其衣哈麻
視帝曰天子固當如是耶帝一笑而已其被愛幸無
與爲比太平爲左丞相深惡之與御史大夫韓嘉納
謀出哈麻諷監察御史幹勒海壽列其惡劾奏之其
小罪則受宣讓王等駝馬諸物其大者則設帳御幄

哈麻進西天
僧禿魯帖木
兒進西番僧
皆以房衛媚
帝

後無君臣禮。又恃以提調徽寧寺爲名。出入脫忽思
皇后宮闈無間。犯分之罪尤大。徽寧寺者主脫忽思
皇后錢糧。而脫忽思皇后帝庶母也。章再上帝。奪
哈麻雪雪官爵。居之草地。而太平等三人俱罷。頃之
復以脫忽思皇后言奪海壽官禁錮之。謫太平居陝
西。加韓嘉訥贓罪。杖流奴兒干以死。哈麻復用。初哈
麻嘗進西天僧。以運氣術媚帝。帝習爲之。號演揲兒
法。演揲兒華言大喜樂也。哈麻之妹婿集賢學士禿
魯帖木兒故有寵於帝。與老的沙八郎答刺馬吉的